

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 422728 22 St
Tuzla, 08.11.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„ALIC BAU“ d.o.o. Živinice, ul. Kovačevići bb**, nakon provedenog stečajnog postupka donio je dana 15.07.2022. godine slijedeće

R J E Š E N J E

OTVARA SE stečajni postupak nad imovinom dužnika **„ALIC BAU“ d.o.o. Živinice, ul. Kovačevići bb**, matični broj subjekta 32-01-0091-09, JIB: 4209946060004, račun broj: 1404031120004077 otvoren kod ASA banka naša i snažna dd Sarajevo.

Za stečajnog upravnika imenuje se Osman Šećerović iz Tuzle, Franje Markovića 8.

ZAKLJUČUJE SE stečajni postupak nad imovinom dužnika **„ALIC BAU“ d.o.o. Živinice, ul. Kovačevići bb**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 422728 22 St od 17.05.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„ALIC BAU“ d.o.o. Živinice, ul. Kovačevići bb**, a za privremenog stečajnog upravnika imenovan je Osman Šećerović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 31.05.2022. godine, a potom i dopunu izvještaja od dana 24.10.2022. godine. Iz izvještaja privremenog stečajnog upravnika proizilazi da društvo društvo ne posluje od kraja 2019. godine, a Općinski sud u Tuzli utvrdio je prestanak rada društva 24.01.2020. godine. Društvo nema zaposlenika svi su odjavljeni prije podnošenja prijedloga za otvaranje stečajnog postupka. Svi računi društva blokirani, te se može zaključiti da je poslovanje dužnika već duži period obustavljeno. Iz dokumentacije koja je bila dostupna privremenom stečajnom upravniku utvrđeno je da su ukupne poznate obaveze privrednog društva u iznosu od 266.504,95 KM. Tačan iznos obaveza moguće je potvrditi tek po podnošenju prijava potraživanja povjerilaca. Društvo nema nepokretnu imovinu obzirom da je dana 08.08.2019. godine sklopljen ugovor o kupoprodaji nekretnina koje su unovčene za iznos od 588.433,15 KM. Prema izjavi zakonskog

zastupnika stečajnog dužnika u definisanu cijenu uključena je i oprema društva tj. ista je prodana zajedno sa objektom i zemljištem. privremeni stečajni upravnik je našao da društvo u svom posjedu ima pokretnu imovinu koja se odnosi na liniju za klanje pilića marke Pivka kapaciteta 500 komada pilića na sat i liniju za klanje pilića marke Pivka kapaciteta 300 komada pilića . Prema navodima iz izvještaja obje linije su založene u korist založnog povjerioca Emzeta doo Kalesija a prema potvrdi registraciji broj A-20190122-45 sa datumom registracije založnog prava 22.01.2019. godine na rok od dvije godine. Zakonski zastupnik stečajnog dužnika podatke o založenoj pokretnoj imovini dao je privremenom stečajnom upravniku tek nakon što je isti o imovini saznao od advokata Miralema Porobića, i pri tom objašnjavajući da navedene klaonice pripadaju založnom povjeriocu Emzeta doo Kalesija da je istu izmjestio u privatni objekat kao i pripremio za povjeriocu Emzeta doo Kalesija te da iz navedenog razloga smatrao da o istoj ne treba obavještavati privremenog stečajnog upravnika.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 29.06.2022. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 58/22 dana 22.07.2022. godine, oglasnoj tabli suda dana 30.06.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije predložio otvaranje stečajnog postupka niti izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.